

廣雅堂論金石札目錄

卷一

邵鐘 史頌鼎 匱侯鼎 煇鼎 魯內小臣甝 至鼎 季保
彝 伯儼卣 申卣 東矢鉞形卣 鄭子卣 曩侯敦 季良
父簠 黻王盃 召卣 中弛盤 邵太叔斧

卷二

齊子仲姜罇 旂形婦鬯 舉蝠形卣 鄭林叔賓父壺 而姬
壺 龍爵 虎爵 祠敦 師遽敦 於彝

卷三

董武鍾 毛公鼎 孟鼎 懷鼎 居鼎 平安君鼎 癸尊
謁爵 齊女鉞 周鏹 姑壘昏用句鐸 卣伯器 齊填 秦
戈

卷四

金文雜說

卷五

石鼓 沙南侯獲刻石 劉平國刻石 紅崖刻石 蜀中諸刻

石

卷二

父蓋 遷王蓋 谷中商 中鼓蓋 昭太妹

彝 卣蓋 申 東大於河 履于 量外 季夏

昭 史 史 鼎 國 刻 鼎 尊 鼎 魯 內 小 用 簠 至 鼎 季 鼎

卷一

夏 商 金 文 目 驗

廣雅堂論金石札卷一

公孫何書四說曰無施氏政書曰南皮張之洞孝達

邵鐘

鼎公案此文皎然是異字異非謚也此非翼省則是戴省耳翼戴皆謚見史記正義及六家謚法皆有之考蘇洵嘉祐謚法戴下曰愛民好治曰戴典禮不倦曰戴翼下曰思慮深遠曰翼愛民好治曰翼考一百六十八謚中其斷語無一重複者獨翼戴兩字皆曰愛民好治顯非事理所宜竊意此兩謚古止一字史記春秋西漢有戴無翼降及後魏戴謚漸希唐初止有一人顏師古而後漢迄元謚翼者日多歷代所据春秋謚法乃杜元凱春秋釋例之書謚例今釋例雖從永樂大典中錄出而書謚例一篇已亡不可得見今見於左傳杜注者既無何行曰翼之文然則春秋謚法恐未必

翼戴兩字俱有也當由本是翼字省作異而古文每多以戈字爲義文遂誤仞作戴其實翼有義戴無義也釋詁文翼敬也玩典禮不倦之語顯然與翼字訓合不與戴字義相比附也必是六家謚法承沿古書或書作翼或書作戴而皆以愛民好治爲詞蘇明允不察其故因竝采錄耳或云莒子庚與以前無謚此特杜氏想當然之說耳以前莒謚不見于經傳故杜注云爾如魯謚在春秋前者左傳止述及孝惠武煬得謂此四君以外無謚耶 郕字見集韻有郕亭地在邊徼與此無與此呂段借字或讀莒亦非莒夷且陋未必能具雅樂據鐘文有其縣四堵語案周官小胥注諸侯之卿大夫半天子之卿大夫西縣鐘東縣磬是正合有二堵莒之諸公孫何得四堵呂刑疏引鄭注呂侯受王命入爲三公呂之公孫作樂器以祀其祖於禮爲協 郕下字上从啟下从黑點畫了了

字不見說文案爾雅馬前足皆白啟左傳衛侯來獻其乘馬曰啟
疑驚是本字啟是省文古文字多以相反爲訓故此字兼白黑兩
義耶與名廐名駢同意或卽是廐之或體案左傳軍在前曰啟在
後曰殿在旁曰肱殿卽臀本字是啟亦爲形體字釋名釋姿容部
啟開也啟義專屬開口可證廐輔黑則名廐口黑則名驚因事製
字許書偶不具耳彝器人名例不可識貴以義推之如此類多矣
余字下的然是異字

韻劫通釋詰固也說文慎也岡剛省廣雅強也劫剛猶劫毖劫岡
事君若左傳所云師武臣之力宋人官文書言清強官也 𠂔似
是畜𠂔字然無義此當是𠂔字移其口於下蓋借𠂔爲單詩俾爾
單厚傳信也爰粵于同義古粵越猶及也與也單爰武若云洵直
且侯孔武有力也周禮部悅讓讀𠂔爲戰亦通 此𠂔是𠂔鱗非

大鐘之鐻 八非七八字當訓別八古音正讀如別義取分背乃

別本字重之則爲北从刀則爲分耳此文云八肆案周官半爲堵

全爲肆下云四堵本文自明 肆字本作縮見古文尙書說文引

此省其半 寰卽縣本字說文寰天子封畿內縣也經典多以縣

字爲之此用爲樂縣字 堵从亼者版築之屬多從城郭得義故

籀文堵垣城闕皆从亼竝見說文 喬喬乃躑躑借字龍寵省與

詩我龍受之躑躑王之造語正同泮水傳躑躑彊盛也 爵古音

讀如足故與武呂堵祖韻詩赫如渥赭公言錫爵赭爵爲韻是其

證也考毛詩多有以入聲與平上去爲協句者故亭林有入聲轉

入三聲之說江慎修訾之非也 齏从亂从和省字書無之當仍

讀亂閒歌三終乃合樂是金奏旣畢卽將合奏故亂兼有和義製

字因之 王乃工之譌當由鑄器者誤益一畫耳呂人張樂無緣

令周王爲之擊鼓也鐘鼎多有羨文此三畫適均與前王正月王
字中畫近上者迥異益知其謬 鐫當卽戛之或體尙書戛擊鳴
球馬鄭注皆云戛櫟也與櫟釜字同 爲喬喬字驕省 寶字本
作僦从保保字聲義从孚得古音蕭肴豪幽與魚虞模通故寶得
與鼓祖爲韻

史頌鼎

釋文

惟三年五月丁子王在宗周令

命

史頌德

說文德升也字从直故古讀如陟訓亦同陟也

謂升

魯

旅通鐘鼎多有如魯成拜休揚卽旅休揚也

灋

文右畔似憲而左從水他器款識屢見之義皆當作灋解竊謂此卽

灋字亦卽憲字後人誤認包繞之長畫下半爲心去水旁則讀爲
憲易包繞之畫作广則讀如灋款識文字少變遂分爲二字耳釋

詁憲法也大率篆書因鐘鼎篆隸展轉譌變似此者
多矣後人望文生義釋之無從得其制字本意矣

守

案文似是友字然施

之此處不合他銘詞多有此字皆合是
守義如豐姑敦之類當讀官守爲長

里

釐

君

尹

百

生

姓

帥

率

驪

即陣字陣是城郭間物故从享借作俾字案文右畔似是禺字卑上从甲篆體當爲𠂔然款識往往意爲增損通借不得以許書繩

之教即鑿之省鑿戾古今于成周休有文明作又然非右也成事

魯旅賓龍即麗省又借作麗麗雜色也春秋傳衣之麗服麗馬雜色馬也周官犬人沈辜用騊可也馬三匹

吉金用作甞彝頌其萬年無疆日匡文義天子顯命子二孫二永

實用

宗周西都也成周東都洛邑也春秋傳王將往洛邑命史頌贊治

其事事成賞勞故作是器丁子即丙子以頌敦三月甲戌推知之

旅陳也釋詁旅法守謂陳舉其典章禮儀猶言陳教陳寶也釐治

也亦可讀理理亦治也君讀爲尹下口羨文也尹正也百姓猶百

官也尙書堯典鄭注百姓羣臣之父子兄弟也韋昭國語注百姓百官族姓也此猶存古義矣言董正百官之

事使之從王也釐尹百姓猶言允釐百工也率俾經典數見俾使

也從也釋詁戾至也率俾戾於成周猶洛誥言子齊百工倅從王

文

于周也侔亦使也

釋詁文

休嘉也美也嘉其事有成而褒美之也休

有成事如周頌休有烈光也駟馬字見周官案周官牧人凡外祭

毀事用龙可也注故書厖爲龍

依宋本岳本

杜子春云龍當爲厖謂雜

色不純巾車龍勒注龍駟也駟車注故書駟作龍玉人上公用龍

注龍當爲駟此皆其證也旅擯厖馬三匹旅讀如庭實旅百之旅

賓導也擯亦導也臚賜多物而以馬先之左傳多有其事也厖馬

雜毛馬也顯命猶言丕顯休命省辭也又案徐籀竝舊釋殊誤

其以丁子爲兩日以魯爲蘇以澤友里爲一地名以百姓爲人名

以顯命爲定命皆非徐氏徵引者乃逸周書紀年穆傳種種皆僞

書耳取以爲證何耶其釋君百生一節尤無謂不知與頌何涉也

昨繙檢得徐氏釋文讀之誠如尊論所云支離以鄙見釋之如右

此鼎無甚奇字惟一羈字殊費疏證也望與諸通人更商度之徐

釋文一卷附繳

又案灋下字仍當讀友旅灋友里絕句友助也里理通古刑官也漢藝文志有黃帝李法李亦卽理也雜記雖有里尹管子雖有里君義不相涉不可傳會

偃侯鼎

偃鄆省春秋傳有其地當由破滅國除矣旣稱偃侯則是臣下之詞不得斥其名下一字非名也乃敢之省

偃侯潘司農說當是燕侯段借字據左傳高郵世本作偃董遇注亦作偃正義謂一人聲相近而爲二字耳案潘說是也春秋有鄆地屬鄭不爲國偃侯之名經傳無聞焉路史雖有偃國其書多不根難可據依也何范書郡國志鄆及偃師下不言昔爲何國乎晏燕古相通借者多矣如享宴作饗燕暝溫作瞋瞋之類又據史記

召公以下九世至惠侯知燕得稱侯也又案侯下乃古文敢字省
非名也諸侯不生名

捨鼎

捨左夫右舍當是舒字右畔上从余鐘鼎余皆如此舍余古同聲古音余讀如書

如茶讀爲舒之比舍有除義聲義皆从余無疑此右下从口小篆从口上

从令者籀篆省變耳說文於此字不詳其得聲之由恐許君說或

未盡也左畔从夫者舒从予聲予夫同部聲近或亦可从夫聲春

秋名舒者六人鄭舒叔孫舒魏舒鄭公子舒楚公子追舒夏徵舒此不能的指爲誰某也

鄭子展名舍之之是語助不論夫展舍不相應非古人名字之義

觀此文乃豁然殆左傳故書政作如此形或字壞脫失其半或後

人疑夫是羨文去之耳名舒字展方得比傳說文舒伸也爾雅展適也郭注申展其意

以自適也廣雅舒展也方言舒勃展也儀禮聘禮展幣亦謂伸其幣耳此鼎未必恰是子展鑄器要

金石錄 五
之子展名舒不名舍僚無疑義可爲內傳訂正一字之誤

魯內小臣釐

釋文

魯內小臣厖生作釐

厖疑卽釐蓋釐之省古釐來賚同聲通借此當讀來生來生猶歸生也詩貽我來牟魯詩作釐牟左傳晏釐國語作晏萊詩釐爾圭瓚釐爾女士皆賚之借字未嫁曰女未娶曰士故易以女妻士夫對文賚爾女士猶言賜汝子女女士到文就韻亦如羊牛稷黍瑟琴之比鄭偶不炤故解稍曲又案厖生之厖與釐孳皆一字通借方言陳楚之間凡人舁乳而雙產謂之釐孳廣雅釐孳健孳也玉篇孳孳雙生也然則此厖生殆以孳生得名若寤生之類耶

至鼎

此鼎可疑

季子彝

乃仔字非保字其橫畫右端上繚下無他畫可見

伯儉卣

胡釋甚辯詳思之仍當是畏字卽還環積古遽伯畏敦正如此作
乃室寶尊彝者室卽廟尙書王入太室裸馬注廟中夾室春秋世
室屋壞公羊傳世室猶世室也世世不毀也周公稱太廟魯公稱
世室蓋古者祧廟之主則藏夾室祫祭始奉出合食此云乃室者
爲其祧廟祫祭器也

申卣

此是申字作器者名字作兩手顛到對引一物狀申之籀文中畫
屈曲象方引之意此象旣申較小篆兩手平列者義尤顯

東矢鉞形卣

上象戣瞿形尙書鄭注戣瞿若今之三鋒矛下三歧斂也或是東矢形下象鉞形兩形皆到

鄭子卣

其文左行 同莘案潘氏藏公尺牘此器考釋與攀古樓款識互有詳略茲兩存之他器考釋文有重出者仿此

釋文

鄭子作永保子孫獲禠訊敵寇以享丕叔賚乃邦

曼

鄭省見春秋左傳成三年寶通子此字即兼孫字古文簡略此類多有如積

四字其下文作人乃嬰兒形即子矣遂讀爲太保兩字誤甚矣因即名曰太保

寶乃子孫永保之省文此獲省虎禠省作虎又省虎作虎禠福也

兼可爲保寶相通之證誤諫之繻其諱訊通此字形的是諱義的是訊案經典諱訊二字

實皆禠字耳每相亂詩陳風歌以訊止釋文云本亦作諱徐息

悴反告也又案爾雅訊告也亦即諱之訛

帝敵省作帝又省帝作帝

灾寇臺

此分明是亨字非
郭章方是郭耳
賚上半作下垂形是來也

鄭子鄭君也子其爵姓未詳在春秋為鄭縣鄙地當是滅於鄭矣

說文有鄭字地在蜀漢與此無涉永寶子孫猶尚書言保我子孫黎民也訊敵寇

猶王制言以訊馘告詩執訊獲醜也不叔猶言太叔鄭子之祖若

父也賚乃邦者祈神祐之詞猶左傳言神賜之土田史記言帝賜

之鶉首也

曼鄭子作永保子孫子字即賅孫字獲虜虜諱訊啗敵災寇以享

丕叔賚乃邦

鄭國名後漢書郡國志河南尹新城有鄭聚古鄭氏注引左傳昭

公十六年楚殺鄭子今本左傳作蠻子杜注亦引新城蠻城釋之

知杜所見本與劉昭同也寶保古通永保子孫猶言保我子孫黎

民也虜禡省福也釋詁晉有虜祈猶言祈福與秦斬年宮同意諱

當讀訊經典二字多相亂

詩歌以諄止釋文引徐音作訊止訊敵釋詁訊告也即諄字別有訊問也

寇猶詩執訊王制訊馘也不叔其祖父字賚乃邦若左傳言神賜之土田史記言帝賜之鶉首也

曹侯敦

曹敦拓本佳甚真器也首一字想因剝剔銅鏽土蝕而然耶妙在詞語不習見亦如看時文厭常套也第三字當是豺字豺應从豸此从虎者或體耳第四字即作字借柞標之柞爲之非作上更有一字也豺非曹君若使曹君自作器不合書名

况又非祭器更無稱名之理知者不

言爲祖

且曹又非侯

若從尊稱則於國內稱公亦不合稱侯

侯豺是人名据左傳僖

二十八年曹伯之豎侯孺知之或是孺之兄弟或即孺之二名

若南

宮緇又名适荀爽又名諧之類

姑兩存其說惟教之爲幸

尊意欲將此人求之於史記甚善然似不易引合也緣器文弟三